

74 5
D. O. M. D. & A.
DISSERTATIO INAUGURALIS MEDICA
DE

B I L E
ICTERI CAUSA FICTA

91
QUAM
DIVINA FAVENTE GRATIA
RECTORE MAGNIFICENTISSIMO
AUGUSTO ac SERENISSIMO PRINCIPE ac DOMINO,
DN. FRID. WILHELMO,
REGNI BORUSSICI atq; ELECTORATUS BRANDENB.
HEREDE, &c. &c. &c.
SENSU ET AUTHORITYTE
GRATIOSISSIMÆ FACULTATIS MEDICÆ
IN REGIA VIADRINA
PRÆSIDE

VIRO EXCELLENTISS. atq; EXPERIENTISSIMO
DN. IOH. GEORGIO à BERGEN,
MED. DOCTORE ET PROFESSORE PUBL. ORDINARIO
h. t. FACULTATIS SUÆ DECANO SPECTABILI
DN. FAUCTORE, PRÆCEPTORE & STUDIORUM SUORUM PROMOTORE
OMNI OBSERVANTIA ET ATEM DEVENERANDO
PRO LICENTIA

SUMMOS IN ARTE MEDICA HONORES ac PRIVILEGIA
DOCTORALIA RITE CONSEQUENDI,

In Auditorio Majori, horis ante- & pomeridianis ad D. g. Aug. An. M DCC X.
Publico Eruditorum Examine submittit

REINHARDUS RUNGE,
CIRCULI FRIDEBERGENSIS MEDIC. ORDINAR.

FRANCOF. ad VIADR. Literis TOBIÆ SCHWARTZII,

PER-ILLUSTRI
EQVITUM ORDINI
DISTRICTUS TOTIUS NEO-MARCHICI
FRIDEBERGENSIS

VIRIS
PER-ILLUSTRIBUS GENEROSISSIMIS
atq; MAXIME STRENUIS
DOMINIS PATRONIS ac FAUTORIBUS

*Omni honore & observantia
colendis*

DISSERTATIONEM HANC INAUGURALEM

In grati animi tesseram fuique commendationem cum voto omnigenæ felicitatis, ea, qva par est, submissione.

D. D. D.

Autor.



2. D. B. V.

Thesis I.



U^riginem sive icterum flavum à bile esse verus & commune Medicorum dogma est: uti enim bilis naturaliter flavet, & quasi per transfudationem concavam hepatis partem, interdum & alias vicinas flavedine inficit, in ictero autem habitus corporis externus similiter flavet, lotium brunnei coloris linteamina tingens apprehenditur, fœces alvinæ alben, pallent, interdum cineritei coloris sunt & ipsa alvus insolitæ siccitatis est, ita hæc omnia ob levem probabilitatem à bile vel in sanguine hepatis vitio retenta, vel in sanguinem redundante communiter derivantur. Cum vero in Pathologia Medica ac imprimis morborum formanda Ætiologia fallaces quam maxime sint rerum species, verosimilia itidem sæpissime multum distent à veris, quin aperte falsa sint, ac passim enormes plane paralogismi, fallaciæ non causæ ut causæ committantur, speciminis

A

ciminis inauguralis loco rem hanc leviter quidem, sed non minus dilucide exponere constituimus. Cui instituto ut Benignissimum Numen faveat, laborique nostro benedicat, humillimis oramus precibus.

Th. III.

Popularem hanc icteri Ætiologiam incertam & fallacem esse, non adeo difficile demonstratur; frequentissimum enim cum in rebus physicis tum potissimum etiam medicis est, ut concurrentibus in uno eodemque subjecto, uno & eodem tempore duobus phænomenis, duobus aut pluribus apparentibus symptomatibus alterum statim alterius causa statuatur, sicuti non raro cum melancholia conjunctus lienis tumor, vel quævis alia affectio causa melancholiæ, cum hydrope artuum inferiorum tumor, causa hydropis, cum affectu iracundiæ bilis orgasmus & effusio, causa iracundiæ promte nimis asseritur, non obstante, quod in unoquoque prædictorum affectuum bina phænomena à communi semper, licet tertia quadam, causa prodeant, sicque Melancholia non à lienis tumore velut symptoma à morbo dependeat, sed hæc duo mutuo sese comitentur. Non dispari igitur ratione, dum coincidunt icterus flavus & hepatis affectio varia, obstructio, bilis retentio, vel à schirrho vel calculo folliculi fellei orta, causa icteri hepatis ejusque morbis adscribitur, licet obstructio hepatis icterum tantum comitetur.

Th. II.

Th. III

Frustra vero & perperam hoc fieri experientia & ratio dicunt imo commonstrant. Hæc enim exemplis docet plurimis icterum sæpissime sine ulla hepatis obstructione & vitio, sine ulla bilis alteratione aut secretionis læsione fuisse observatum, immo plurimas tales obstructiones à schirrho vel calculo folliculi fellei ortas auriginem prorsus nullam induxisse, quorum prolixum catalogum hic recensere animus quidem non fert, rem tamen in progressu aliquot exemplis firmare operæ pretium erit. Illa vero manifestissime ostendit Hepar (1.) ejusque morbos non tam afficere vel corrumpere totam massam sanguineam, quam vitium massæ sanguineæ hepar, atque hoc quidem præcipue præ reliquis abdominis visceribus, sicque consequenter bilis crasin & secretionem turbare mirifice. (2.) Bilis nondum secretæ in sanguine retentionem, aut ejusdem jam sequestratæ atque in folliculo felleo collectæ redundantiam & regressum in massam sanguineam, rem penitus vanam esse, & utrumque pugnare partim cum fluidorum & sanguinis quidem circulo & motu, partim cum ipsius bilis constitutione crasi & natura. (3.) Luteum vel cirinum icteri colorem, æque certo arguere bilis per habitum corporis effusionem, ac maculæ cutaneæ communiter ex falso veterum quorundam præjudicio hepaticæ dictæ, quibus cum hepate nihil plane commercii est, de quibus omnibus se-



orsim nonnulla commentantes, nihil ab instituto nostro alieni nos facturos esse arbitramur.

Th. IV.

Ab experientia asserto nostro fidem veritatemq; adstructuri merito & omni jure citamus Helmontium, Jüngkenium, Etmüllerum *Oper. Med. Tom. 2. p. 506. 507. Colleg. Pract. art. 4.* omnes crebrum icteri proventum à vitiis digestionis, morbis ventriculi & primarum viarum & uditibus nidorosis observantes; quibuscum faciunt aliorum Practicorum testimonia fide digna ab experientia unice desumpta, sed hepatis nec affecti nec obstructi ne mentionem quidem facientia. Uti hoc modo icterum à morfu viperæ *Galenus* de loc. affect. lib. 5. cap. 7. itemq; *Z. Lusitanus* Lib. 5. Medic. P.P. Hist. 19. suis temporibus jam notarunt, à morfu araneæ *Joël* in Praxi p. 132. à morfu Canis rabidi *Bartholinus* Cent. 2. Histor. 89. ab occluso crurum ulcere inveterato *Amatus Lusitanus* Cent. 1. Cur. 83. ab obstrctione mensium *Schenckius* Obs. Lib. 3. *Bartholinus* Cent. 5. Histor. 62. à fumo tabaci. *Borellus* Obs. 31. Cent. 4. à venenis assumptis vehementioribus catarcticis, febribus acutis, tertianis, colica, *Platerus*, *Sydenhamius* pluresque passim alii, quorum nomina brevitatis gratia silemus. Quibus pondus addunt, remque extra omnem controversiæ aleam ponunt, ictericorum sectiones & experimenta anatomica practica à *Th. Bonetto* in Anat. Practic. Lib. Sect. 18. Obs. 1. descripta, itemque quæ *Cl. Pecclinus* Obs. Medic. Physic. Obs.

Obs. 58. Lib. 1. *Loffius* Lib. 3. Obs. 39. *Riverius* Obs. Med.
Cent. 2. Obs. 9. in hanc rem doctissime prodiderunt: ex
his enim quam distinctissime constat, icterum fuisse,
sine ulla hepatis, folliculi vel pori biliarj offensa, in duo-
denum bilem descendisse, fœces alvinas non albicasse, sed
naturaliter tinctas fuisse, repertam fuisse in vesicula in-
gentem calculorum copiam, citra ullum icteri vestigium.
Quib9 adde icterum saepius brevissimo temporis inter-
vallo generari, id quod de hepatis obstructione, de
schirrhô, de calculo vesicæ felleæ vix quisquã dixerit, nec
hoc quidem absq; omniratione, quandoquidem fluida ex
natura sua pluribus multo iisque longe celerioribus mu-
tationibus quam solida videntur obnoxia, ut mirum
inde vix videatur, qui ab animi pathematibus à mœ-
röre, terrore, tristi nuncio passim subito admodum,
exortus icterus legatur.

Th. V.

Nec hæc adeo, multominus veterum nonnullis
penitus latuisse nobis persuasum est, cum
apud illos quoque hinc & inde mentio fiat icteris sine
proprio hepatis affectu, cujus causam vero allegant,
calidam habitus corporis intemperiem, quæ sangvi-
nem laudabilem in bilem flavam affluentem corrup-
pat; ast cum certum sit totum corpus omnesque
ejus partes temperiem & calorem suum habere uni-
cè à vario fluidorum statu, quisque perspicit facile
illos

illos in explicanda hac intemperie potissimum in bilem ejusq; per corp9 diffusionem inclinare, adeoque aliis tantummodo verbis unam eandemqve semper icteri causam jactitare, & antiquam ubiqve canere cantilenam.

Th. VI.

A Ratione argumenta, quibus sententiam nostram tueamur, petentes, notum esse existimamus, tales semper esse humores e sanguine in diversis visceribus secretos, qualis sit ipse sanguis. Corruptus aut depravatus si fuerit, tales quoque erunt humores e sanguine promanantes. Testantur hoc liqvido febres, in quibus sanguine citra controversiam affecto & insigniter alterato, alia est saliva, alia urina, alius liquor gastricus, alius sudor. Nihil ergo insoliti, si in ictero a dyspepsia aliaque sanguinis pravitate orto bilis vel nimis viscida & amurcosa, fluat, vel acini hepatis glandulosi obstructi nihil bilis fecernant, & cum hoc sanguinis vitio complicitur hepatis affectio & consequenter icter9. Uti vero in ictero per univrsum corporis habitum flavus conspicitur color, ita par quoque est, universalem hanc cutis fœdationem & coloris mutationem ab universali itidem causa esse, nullatenus a particulari, ut bile, cui cum tunica oculorum adnata cum urina intensius tincta, primis quasi icteri signis, nihil plane commercii

mercii est , atqve urina speciatim statum sanguinis
quam maxime affectum tam in ictero quam aliis in
morbis indicet , quin immo quævis alias humorum
prava diathesis corporis habitum peculiari semper
inficiat colore , ut phlegmatici vel cachectici pallent,
melancholici livent , sanguinei rubent , auriginosi
flavent , icterici alii nigricant. Ut adeo hinc con-
stet icteri flavedinem non tam à bile , quam vitio &
pravitate sanguinis & humorum esse.

Th. VII.

Neque hæc tantum, quicquid in superioribus di-
ctum, affirmant, sed ipsa bilis quantitas, posito, non
concesso icterum à bile esse, nec sufficeret nec univer-
sali corporis flavedini responderet : In ictero nam-
que corporis habitum non superficietenus, sed etiam
ad viscera usque aurigine tinctum esse ex observa-
tionibus constat , uti talem icterici sectionem exhibent
Miscell. Nat. cur. A. IV. & V. Obs. 194. uti pulmones
citricos in tonsore icterico defuncto vidit *Zachias*
Quest. Med. leg. Tom. 3. Consil. 15. cartilaginee & ossa in
fœmina icterica flavedine tincta reperit *Celeberr. Bohnius*
fœtum ab icterica matre editum colore flavo imbutum,
non tantum, sed loco sanguinis humorem fellis instar
flavum fundentem recenset *Kerkringius Spicileg. Ana-*
tom. Obs. 57. testanteque *Sebenkio Obs. Med. Lib. 3. p. 23.*
Braf-



Brassavolus icterici meminit, cujus e vena jecoraria
 inclusa sanguis totus luteus stillaverit, cujus sputa
 urinam, excrementa itidem flava deprehendit, & de
 niqve ictericæ puellæ exemplum adducit, *Borellus Obs.
 Med. Cent. 1. Obs. 68.* cujus sudor flavus omnia lintea-
 mina, qv̄m argentum fellea qvasi flavedine polluebat.
 Qv̄æ cum ita sint, merito inde colligimus tantam bilis
 qvantitatem tingendo ita corpori, aut viscerum tingen-
 dæ substantiæ nec suppetere, nec unqv̄am in humano
 corpore generari posse: aut si quis præfracte nimis as-
 serat, flavedinem icteri nihilominus à bile esse, necesse
 erit, omnes corporis partes tam solidæ quam fluidæ
 intense amaricent, vel acri sua indole corpori alia
 plurima inferant mala. Sed nihil horum convenit
 cum experientia, nec curiosiorum experimentis & ob-
 servationib9. Computatione enim facta ex mente *Rever-
 borstii in Dissertat. Anatom. Med. de Motu bilis circulari in
 bovino* præter propter bilis de die unciæ novem à sang-
 vine in hepate separantur. Verum quid hæc bilis exigua
 qvantitas valebit ad tingendas sanguinis libras viginti
 quatuor vel triginta, qv̄æ ordinaria totius massæ san-
 gvineæ qvantitas est, si, ut sæpenumero tertianariis ac-
 cidit, unica nocte derepente icterus per corporis ha-
 bitum erumpat. Pugnat cum natura colorum, ut li-
 quor copiosus purpureus intense rutilans, qv̄alis est
 sanguis, ab alio minus copioso flavescente in sui simi-
 lem sive flavum vertatur, præcipue cum in nonnullis
 ictericis bilis cysti inclusa serosa tota & vix flava inter-
 dum reperitur, qv̄ale exemplum vide sis apud *Thom*

Barth

Bo-

*Bonietum Anatom. Practic. Libr. III. section. 18. observ. 10.
pag. 996.*

Th. VIII.

Humores autem ictericorum, putamus sangvinem, serum, lotium aliosque fellea flavedine infectos, propterea quoque bilis adinstar amaricare, quod quidem oportebat, non congruit cum experimentis *G. Heintkij* circa bilem factis, ac *Ephm. Nat. Curios.* insertis: Ex his etenim evidentissime liquet, sanguinis in ictericis per venæ sectionem emissi serum, etiamsi maxime flaveat, nullatenus tamen amaricare *vid. Miscell. Natur. Curios. Dec. I. An. VI. Obs. CXXV.* Serum ictericorum sæpius intense adeo flavere, ut sudores stragula reddant flava, sed absque omni amarore. Sangvinem icterici linteo exceptum sero suo linteum quidem flavo tingere colore, sed nullam amaritiei notam exhibere. Urinam cæteroquin sanam bile perfusam linteamina non æque tingere ac urina ictericorum. Bilis aliquot tantum guttas urinæ sanorum instillatas, illam reddere amaram, colore minus aucto, nec ulla inde orta flavedine. Sangvinem sanorum bile permistum, amaritiam non velare, sed manifeste prodere, lac bile permistum ac digestum insigniter amarescere, sine notabili coloris mutatione. Bilis flavedinem tollere sal alkali, cujus & imprimis volatilis maxima copia in sanguine, succis & urina animalium est. Repugnare, ut bilis retineat colorem flavum, exuta & a-

B

missa

missa sua amaritie, cum amarities bilis longe tenacior
 qualitas sit flavedine, nec ab acidis, nec à salibus duplica-
 tis, tam facile, nec ab alcalicis fixis imprimis pereat ac fla-
 vedo. Ex quibus & id genus pluribus apodictice pro-
 batur, succorum & corporis in ictericis tincturam à bi-
 le flava dubiam & aperte falsam esse.

Th. IX.

Retentio bilis in sanguine, aut ejusdem secretæ
 jam regressus in massam sanguineam, quibus potissi-
 mum icteri ætiologia superstrui solet, nihil nisi inanes
 & improbables assertiones sunt, omni in re medica
 carentes fundamento. Liquores enim hinc inde in
 variis organis secretoriis collecti, ac à sanguine separa-
 ti ita formaliter in sanguine præexistunt nunquam.
 Uti lac sub ratione & forma lactis, saliva sub forma sali-
 væ, urina sub eadem, qua mingitur forma, nunquam
 in sanguine reperiuntur; sed horum liquorum, quan-
 doquidem non homogenei sed plerumque heteroge-
 nei & ex variis diversisque partibus compositi sunt,
 per totum sanguinem dispersæ & maxime disconti-
 nuatæ sunt particulæ, ut in sanguine dispareant peni-
 tus, singulæ vero seorsim ita spectatæ nihil minus
 quam lac, salivam vel urinam componant. Simili
 proin ratione comparatum esse cum bile ejusque se-
 cretione recte & vere nobiscum innuit *Ch. Etmüller*, in-
 quiens: *bilem formaliter in sanguine non existere,
 bilem nusquam in toto corpore quam in vasis cholo-
 dochis*



doctis circa hepār reperiri. *Oper. Med. Tom. I. instituit.*
Med. Physiol. e. XIII. p. m. 118. 19. Hinc ubi nulla
 bilis fit secretio, culpa vel vitio colatorii five hepatis,
 nulla quoque in sangvine bilis retinetur.

Th. X.

Regredi vero aut regurgitare, quæ multorum
 opinio est, bilem in hepate jam secretam in sangvi-
 nem, ut cum hoc per ambitum corporis diffusa icte-
 rum producat, facilius longe dicitur, quam re ipsa
 demonstratur: aut enim novas plane, neminique
 hæcenus visas aut cognitæ nobis ostendant vias, bi-
 lem ita sangvini reddentes, aut ordinarium & natu-
 ralem sangvinis & humorum motum progressivum &
 fluentum prorsus invertant, faciantque ut aliquam-
 diu nihil sangvinis per venæ portæ ramos ad hepatis
 acinos glandulosos deferatur, sicque regurgitantem
 & refluxam bilem in motu suo non impediat. Ho-
 rum autem, nec unicum quidem, cum nemo facile
 præstiterit unquam, merito inter ineptas non nisi
 nugas bilis illum in sangvinem numerandum esse re-
 gressum censemus. In quibus nobiscum apprime
 consentientem habemus *Nic. Pechlinum loco Thef. 4. ci-*
tato ita differentem. Quod autem vulgo de regurgitatione
 ajunt bilis, non bene concipi posse videtur, cum bilis nomine non
 anteveniat liquor ille pingvis oleosus, quam transmissa glan-
 dularum hepatis textura in ductus secesserit cholodochos.

B 2

Item

Item pagin. sequent. *Fallunt nos observationum indices, quando icterum ab obstructione vel hepaticorum ductuum aut vesicula fellea, nunc etiam à calculo repetunt.* Et quamvis Vir Doctiss. eadem observatione testetur, liquorem, cœruleum in ductus hepaticos à se infusum in glandulosi visceris penetralia & superficiem colore transfuisse, nemo tamen erit, qui nisi posthabito plane viventium statu, studio perperam ratiocinari dicereque velit, eadem hac via bilem sanguini reafundi facile; quandoquidem hic à statu mortuo ad vivum nulla, valet consequentia, nec per momentum quidem sanguis per venam portæ hepar versus fluere desinat, sed potius semel intra portam receptus partim à sanguine à tergo affluente, à motu diaphragmatis, partim quoque ab ipsa vena portæ intra hepar in arteriam, versa testeque *Needhamio* aliisque pulsante valide, premitur, urgetur, sicque per hepatis compagem totam ad acinos glandulosos propellitur, quod quo fit constantius, eo minus possibile, bilem hac via unquam regurgitare posse in sanguinem.

Th. XI.

Pertinent denique huc nonnulla ex veterum præjudiciis nata, ac ambabus communiter ulnis nec minori certitudine inter medicos recepta, ac antiquus ille humorum quaternio pituitæ, bilis, melancholiæ & feri: scilicet gratis & frustra in medicina pro canone & regula

gula universali haberi, omnia quæ flavescunt vel amaricant, à bile aut è bilis profapia esse, nec quæ antiqvitus de hepatis calida intemperie, de maculis hepaticis sparguntur, aut passim de bile, de sapore amaro vel pruritu totius coporis in ictero prædicantur, hepatis aut bili non statim in acceptis ferenda esse, quoniam postrema hæc hepate exauctorato & à sangvificationis officio dudum remoto per se corruunt & sponte evanescent, priorum autem intuitu sæpe sæpius infantum ab uberibus adhuc pendentium excrementa alvina intense flavent, acidum redolent, & à canibus & bestiis avidè devorantur, quibus si tantillum bilis instillet, hæc propter amaritiam bestię abhorrent. Nec infrequens adeo est, ut in diarrhœis aut febribus alii alvo flava excernant sine ulla amaritie, imo limpidissima interdum & viscida, insigniter amaricantia vomitu rejiciant, quæ propterea à bile statim esse nemo est qui affirmet, flavedine imprimis in ictericorum sero & succis fatua & insipida superius ostensa. Præterea multa inter remedia intense amaricant, ut absinthium, centaurium minus, gentiana, faba S. Ignatii, colocinthis, aloe, quæ cum bile propterea non sunt unum & idem. Multa quoque flavent, ut florescroci, radices curcumæ, Gumm: Gutr: &c. quorum flavedo non est biliosa. Datur ergo extra corpus amarities & flavedo sine bile. Datur & in corpore, cum juxta effatum Hippocratis sexcenta corpusculorum genera in sanguine reperiantur, adeoque seorsim & flava

B 3

& amara. Proinde non promiscue quicquid in corpore flayer aut amaricat bilis erit.

Th. XII.

Postremo in icteri curatione nemo Medicorum bilis retentæ aut regurgitantis in sanguinem ullam habet rationem, sed methodo potius usitata catarcticis, ex veterum opinione, cholagogis & si necessitas exegerit emeticis primas vias evacuant, viscidorum humorum saburram subducunt, vitia digestionis & ipsius sanguinis corrigunt, atque labefactatum viscerum tonum, amarificantibus, salibus omnis generis duplicatis, salibus volatilibus oleosis, itemque simplicibus, aromaticis, martialibus idque genus aliis instaurant, consilio & instituto hoc ictero non secus ac cachexiæ feliciter medentes, cujus revera etiam species esse viderur.

Th. XIII.

Communis ergo sententiæ assertores, cum sequius longe icterum curent, quam eorum morbi ætiologia sva-deat, aut ejus ratio jubeat, brevibus probabiliorem & veriorem icteri theoriam & generandi modum coronidis loco superioribus subjungere visum nobis est, salvis aliorum, sed melioribus, judiciis. Quod facturi tria supponimus, quæ apud omnes in confesso & evictæ inter Medicos veritatis sunt. (1.) Bilem ex hepate intestino duodeno infu-
sam

fam indolis saponariæ & abstergentis adeoque virtu-
tis salino alcalicæ magis quam simpliciter salis esse.
(2.) Chylum & lac duos liqvores esse sibi maxime con-
formes & analogos, ut chylus ab aliis lac, & lac ab
aliis chylus reciproce dicatur. (3.) Lac cum alcalicis
v. g. sale tartari coctum, mutato colore albo in liqvo-
rem purpureum sangvinem referentem converti. Ex
quibus colligere in promptu, accum *Cl. Baglino Dissert.*
de bilis natura usu & morbis pag. 429. 430. 431. asserere licitum
est, bilem chylo sub primo intestinorum ortu affusam
sangvificationis primordia & rudimenta eidem imper-
tire, quo chylus in sangvinem eo melius vertatur, ip-
sumq; hæmatoseos negotium felicius succedat. Et
quamvis chylus bile temperatus per vasa lactea & du-
ctum usque thoracicum sub forma lactis adhuc com-
pareat, neque violenta talis coctio in corpore detur,
qualis fit dum lac cum sale alcali ad ignem coquitur,
compensant tamen hæc crebriores sangvinis chylo per-
missi itus, reditus & circulationes per cor & omne vaso-
rum sangviferorum gen, ut quod ars unica, fortiori licet,
coctione, natura lente, successive & quasi per varios fla-
vedinis gradus identidem producat, in quibus si blanda
fluidorum digestiones subsistant, nec ad debitum perfe-
ctionis terminum provehantur, mirum non est,
corporis nativum colorem vitari, ipsumque san-
gvinem imperfecte rutilantem, tubulis angustioribus
exceptum flavere, sicque coloris ubiqve citrini & bi-
liosi causam existere, id quod febres, venena, ca-
tarticæ vehementiora crasin sangvinis & constitutio-
nem

nem quandoque ad internecionem usque lædencia,
ad oculum demonstrant. Fluitque sic porro ex his
sponte, duas potissimum esse causas, statum & ne-
gotium hæmatoseos notabiliter turbantes, sangui-
nis scilicet intemperiem, cruditatem & vitium crales,
vel labem & defectum bilis, sed cum hæc ultima cau-
sa tantum secundaria sit, & à priori tanquam prima-
ria & unica dependeat tota, nulli cum Nic. Pechling
dubitamus asserere, *icterum & ductuum hepaticorum obstru-
ctiones non alio quam depravatæ sanguinis texture unionisq; quæ
in fluidis harmonica esse debet, vitio contingere, ab una omnia
causa dependere* sicque concludere, icterum veram
cachexiæ speciem esse.

F I N I S.

A *Quali passu semper Medicina caduci
Corporis, atq; anima cura perennis
eunt.*

*Cum pietas simplex primorum Christicolarum
Floreret, simplex ars Medicina fuit.*

*Hinc, cum Papa sibi divinos sumpsit honores,
Galenum Medica fecit in Arte Deum.*

Sed

*Sed veluti Papam torfit doctrina Lutheri,
 Sic Galene tibi crux Paracelsus erat.
 Hinc pariter sacras inuit Medicasq; cathedras
 Grassandi in tricas litigiosus amor.
 Jam cultum fingit sibi quisq; Dei, Mediciq;
 Jam nova quotidie principia artis habent.
 Tu veram semper pietatem animiq; medelam
 Junxisti studiis RUNGIE doctre Tuis.
 Sic Medico Medicus si pergis fidere Christo,
 Alter apollinea sorte Machaon eris.*

Experimentissimo atq; doctissimo Domino Can-
 didato, Auditori quondam suo egregie assi-
 duo votivum augurium paucis lineis, sed
 amore prolixo accinit.

Leonh: Chr: Sturm,
 Math: Prof: ord:
 & Societ:Scient:Reg:Berol:membrum.

Mein allerliebster Freund / ich mus Ihm gratu-
 liren
 Zu Seinem Ehren Stand / den Er erlanget
 hat
 Durch Seinen grossen Fleiß / und öfftern disputiren /
 Da Er mit Ruhm wird der Arzney LICENTIAT.
 Die Schuldigkeit ist klahr / ich kan michs nicht entschlagen /
 Weil unsre Schwäger schafft mich hefftig darzu treibt /
 Auch



Auch fehlt der Wille nicht; Nur dieses muß ich klagen /
 Daß mein geringer Kiel so schlechte Verse schreibt.
 Doch will ich ohne Kunst zum reimen mich verfügen /
 Zumahl Er mehr mein Herz / als meine Künste meynt;
 Ich will nur meine Pflicht auf dieses mahl vergnügen
 Zu weisen / daß ich sey sein ungefärbter Freund:
 Und also wünscht mein Herz zu Seinen grossen Ehren
 Ihm tausendsaches Glück als Einem der es wehrt /
 Der Höchste wolle bald Ihm seinen Ruhm vermehren
 Bey Seinem Physicat, so wie Er selbst begehrt.
 Wie Er nun durch den Fleiß den Ehren-Thron erstiegen /
 Und rühmlich worden ist ein Herr der Wissenschaft:
 So glücklich soll Er auch bey Seinen Curen siegen
 Mit Seiner Arzneyen durch Seines Gottes Krafft!

Mit diesem wenigen wolte dem Herrn Candidato
 aus Schwägerlichen Herzen glückwünschend
 begegnen

M. George Krüger
 von Baruth aus Sachsen /
 PfarrErr in Bugarten.

¶ Ein Glück vergnüget mich; Wie darff ein Bruder
 schweigen?
 Da so viel andre heut Dir frohe Wünsche zeigen/
 Ich bin hierzu bereit; Jedoch was schreibe ich?
 Herr Bruder nichts als dis: Dein Glück vergnüget mich.

Mit diesem wenigen solte dem Herrn Respondenten gra-
 culirey dessen Bruder

Johann Runge /
 J. U. Stud.

00 A 6272

f


ULB Halle 3
002 827 158



TA-OL

Reho ✓





24
D. O. M. D. & A.
DISSERTATIO INAUGURALIS MEDICA
DE

B I L E
ICTERI CAUSA FICTA

QVAM
DIVINA FAVENTE GRATIA
RECTORE MAGNIFICENTISSIMO
AUGUSTO ac SERENISSIMO PRINCIPE ac DOMINO,
DN. FRID. WILHELMO,
REGNI BORUSSICI atq; ELECTORATUS BRANDENB.
HEREDE, &c. &c. &c.
CONSENSU ET AUTHORITYATE
GRATIOSISSIMÆ FACULTATIS MEDICÆ
IN REGIA VIADRINA
PRÆSIDE

931
VIRO EXCELLENTISS. atq; EXPERIENTISSIMO
DN. IOH. GEORGIO à BERGEN,
MED. DOCTORE ET PROFESSORE PUBL. ORDINARIO
h. t. FACULTATIS SUÆ DECANO SPECTABILI
DN. FAUTORE, PRÆCEPTORE & STUDIORUM SUORUM PROMOTORE
OMNI OBSERVANTIA ET ATEM DEVENERANDO
PRO LICENTIA

SUMMOS IN ARTE MEDICA HONORES AC PRIVILEGIA
DOCTORALIA RITE CONSEQVENDI,

In Auditorio Majori, horis ante- & pomeridianis ad D. g. Aug. An. M DCC X.
Publico Eruditorum Examine submittit

REINHARDUS RUNGE,
CIRCULI FRIDEBERGENSIS MEDIC. ORDINAR.

FRANCOF. ad VIADR. Literis TOBIÆ SCHWARTZII,

